

խիստ բաղձալի եւ բոլոր պետութիւնների շահերին համապատասխան Փոքր Ասիայում կենսունակ թիւրք սուլթանի պահպանութիւնը: Իզմիրը Իտալիային կցելու դէպքում, ապագայ Թիւրքիան զուրկ կը մնայ լաւ սարքաւորուած եւ բոլորովին պատրաստ նաւահանգրստից, որ չի կարող չանդրադառնալ նրա բոլորովին ինքնուրոյն անտեսական կեանքով ապրելու կարողութեան վրայ: Մնալով առանց ծովային ելքի, Թիւրքիան դատապարտուած կը լինի խամբելու, եւ այս դէպքում մենք չէինք կարող անտարբեր մնալ դէպի այդ մեռնող պետութեան ճակատադիրը եւ հարկադրուած պիտի լինէինք ներկայացնել մեր բաղձանքները Փոքր Ասիայի կազմակերպութեան բովանդակ ծրագրի վերաբնութեան մասին, — մի բան, որից ամէն կերպ կ'ուզէինք խուսափել» (263-64):

8-21 Դեկտ. արտաքին գործոց նոր նախարար Ն. Պոկրովսկին հեռագրում է Լոնտոնի ղեկավարին.

«Պոլսի ու Նեղուցների հարցը մեր օգտին լուծուելուց եւ հայկական շրջանները մեր կողմից գրաւուելուց յետոյ, Փոքր Ասիայի ապագայ կազմակերպութեան խնդիրը առաջնակարգ նշանակութիւն է ստանում է մեզ համար: Ուստի եւ պէտք է ստեղծենք այնտեղ այնպիսի դրութիւն, որ կատարելապէս ապահովուին մեր ռազմադիտական եւ քաղաքա-տնտեսական շահերն ու հեշտացուի մեր ապագայ ամրացումը Փոքր-Ասիայում:

Այս տեսակէտից, մեր այդ շրջանում ունեցած շահերին չի համապատասխանում մեր ապագայ սիրըր-ասիական սահմաններին կից եւրոպական որեւէ մեծ պետութեան հաստատումը, թէկուզ այժմ եւ մեզ բարեկամ լինի այդ պետութիւնը: Մեզ համար էականորէն անհրաժեշտ է պահպանել Փոքր-Ասիայում քաղաքականորէն եւ տնտեսականորէն մեզ ձրգտող անկախ թիւրքական մի պետութիւն, որքան կարելի է, աւելի մեծ սահմաններով: Եւ այդ պետութիւնը պէտք է լինի այնքա՛ն կենսունակ, որ մօտիկ ապագային հեշտ աւարի ու պառակտումի զո՛հ չդառնայ շրջապատող հարեւան պետութիւնների միջեւ:

Այս նկատումներով պէտք է թիւրք պե-

տութեան համար ապահովել ազատ ծովային ելքեր եւ պահպանել օսմանեան մեծամասնութեամբ բնակեցուած շրջանները: Սրա հետեւանքով իտալական տիրապետութեան ընդարձակումը Իզմիրի ուղղութեամբ մեզ համար հանդիսանում է անընդունելի: Նա մեզ համար ցանկալի չէ եւ այն պատճառով, որ իտալական կալուածները կը մօտենան Նեղուցների շրջանին: Ծայրայեղ դէպքում մենք կարող էինք համաձայնուել միայն, որ նրանց արուի Սիլաւա-Նուովան, Սամոս կղզու ղեկաց, եւ սահմանը քաշուի այս կէտից դէպի Գոնիա: Իսկ ինչ վերաբերում է նրանց բաղձանքներին այս դժից դէպի հարաւ, մենք պատրաստ ենք պաշտպանել Ֆրանսայի եւ Անգլիայի տեսակէտը՝ արդէն մեր միջեւ կայացած համաձայնութեան հիման վրայ» (281-82):

Նոյն մտքերին հանդիպում ենք եւ ռուս զինուորական նախարարութեան 1916 թ. 24 Մարտ գրութեան մէջ, որով հիմնաւորում են Ռուսաստանի ռազմադիտական ձգտումները Փոքր-Ասիայում:

«Եթէ, — գրում է զօր. Բելիայեւը, — Ֆրանսայի թափանցումը Սիւրիայի շրջանը եւ Սրվազից հարաւ գտնուող վայրերը ռազմաքաղաքական տեսակէտից չի կարող մեր կողմից պաշտօնական առարկութիւններ առաջ բերել, որովհետեւ այդ շրջանները ամէն տեսակէտից ձգտում են դէպի Միջերկրական ծով, Ֆրանսացիների ամրացումը Սեւ ծովի կողմն ընկած շերտում պէտք է ընդունել անբաղձալի, իսկ ապագայում, գուցէ, եւ վտանգաւոր:

Նեղուցների մեր կողմից գրաւուելուց յետոյ Սեւ ծովը փաստորէն կը դառնայ ռուսական ծով, եւ թոյլ տալ, որ եւրոպական մի մեծ պետութիւն այնտեղ ունենայ առանձին շահեր՝ հաղիւ թէ կարող է համապատասխանել ռուսական շահերին:

Զինուորական տեսակէտից, Ռուսաստանի համար թերեւս աւելի ձեռնտու կը լինի, Թիւրքական կայսրութեան փլուզումից յետոյ, սահմանակից լինել թոյլ Թիւրքիայի եւ նրանից բաժանուած նրա նախկին նահանգների հետ:

Եթէ այդ բանը քաղաքական այս կամ այն նկատումով հնարաւոր չէ, աւելի ձեռնտու է, ըստ կարելւոյն, սահմանափակել եւրոպական